

~o Z; (el)perfidu Z, babilu ~on B; elliru de iu la ~on Z; teni ion en ~o Z (teni ~a); teni fabrikprocedon en plej granda ~o; publika ~o Z (de ĉiuj konata afero). ~a. Restanta aŭ devanta resti kaŝita: ~a donaco Z; ~a societo; vundo ~a doloras plej multe Z; ~a amo (Kp MISTERA, ENIGMA). ~e. En ~a maniero: ~e diri (Kp KAŜE. Vd PLANKO). ~l (tr). Diri al iu, petante, ke li ne rediru: vi ~os al edzino, ŝi ~os al frato kiel la ~o promenas sen fino Z. ~lgi. Tenu ~e. ~ema Z. Diskreta. Mal~lgi. Malkaŝi, disfami ion ~an.

\* **Sekretario.** Homo komisiita por verki k skribi leterojn, raportojn, protokolojn, dokumentojn. ~ejo. Loko, kie funkcias ~o (Kp KANCELARIO).

\* **Sekso.** 1 Organika ecaro diferenciganta la viron de la ino: vir~a Z, in~a Z; vir~ulo Z; ~kunigi Z. 2 Tutaĵo de la sam~aj individuoj. 3 (G) Formo, kiun ricevas la vortoj en kelkaj lingvoj por montri la ~on: grandegan malfacilecon prezentas por la lernanto la memorado de la ~o de ĉiu subst. en la naturaj lingvoj Z; ekzistas tri gramatikaj ~oj, la vira, la ina k la neutra, kiu apartenas al la sen~aj aferoj.

**seksto Z** h. Intervalo de iu noto al la sesa.

**sekstanto** j. Astronomia instrumento, per kiu oni observas angulon inter du punktoj, k plej ofte la alton de astro super la horizonto de la maro.

**Sekto.** Aro da personoj aligintaj al ia aparta neortodoksa aŭ nekomuna doktrino. Kp KLANO, KOTERIO, TENDARO.

**Sektoro.** Parto de rondo entenata inter du duondiametroj.

**sekularizi Z** (tr). Laikigi iun aŭ ion religian.

\* **Sekundo.** 1 Sesdekono de minuto. 2 Sesdekono de la sesdekono de grado.

**Sekundanto.** Homo komisiita de duelo por interkonsenti pri la kondiĉoj de duelo k por kontroli la batalon.

**sekundara** ☆ (pri epoko). Apartenanta al la dua epoko. Vd KVATERNARA, PRIMARA, TERCIARA.

**Sekura.** Estanta en sendanĝera situacio: ~a riĝejo; estas diferenco inter afero ~a k afero spekulacia; ĝui senton de

~eco; tio sufiĉas por daŭre ~igi la vivon de la infano; ju pli ni laboras por glatigi nian lingvon k perfektigi pri ĝia uzado, des pli ĝi firmiĝos k ~iĝos.

\* **Sekvi** (tr). 1 Iri post iu, kiu gvidas aŭ kiun oni volas atingi: ne ~u malbonajn homojn k ne deziru esti kun ili Z; ~i la paŝosignojn de iu Z; ~i iun per la okuloj, per la rigardoj Z, per la penso B (Kp AKOMPANI); (f): ĉiu ~as (=atentas) kun intereso la malfacilan bataladon Z; nur bono k favoro ~os vin en la daŭro de via tuta vivo Z; kiu ~as (celas) vant-aĵojn, tiu havos senriĉecon Z. 2 Iri laŭ io aŭ agi l'onforme al io, kio gvidas: ~i vojon; ~i konsilon, ekzemplon, kulturon, metodon, principon Z; ~i (konstante viziti k praktiki) kurson; ~u miajn leĝojn k observu miajn ordonojn Z; Salomono ne ~is (observis la kulton de) plene la Eternulon kiel lia patro David, li ~is Aŝaron, diaĵon de la Cidonanoj Z; la domon de David ~is (konservis la obeon al) sole nur la tribo de Jehuda Z; ili ~is la obstinecon de sia koro Z; la ~ado de gustoj personaj aŭ naciaj estas danĝera en esp. Z. 3 Okazi post io, esti lokita post io: post somero ~as aŭtuno; tago tagon ~as, sed ne similas Z; el la diritaĵo ni povas elliri la ~antan (jenan) regulon Z; la diferencon vi komprenos plej bone el la ~antaj ekzemploj Z. 4 Rezulti el io, esti motivita aŭ kaŭzita de io: el tio ~as, ke Z; tio estas lute natura ~o Z; ĝis nun ne estis, ~e ne povas esti Z; ~oriĉa sukceso (Kp) KONSEKVENCO, DO). ~lgi. 1 Fari aŭ zorgi, ke iu aŭ io estu ~anta aŭ ~ata: la poliestro ~igis la suspektatajn fremdulojn; ~igi leteron (ŝanĝinte la adreson, redoni leteron al la poŝto por ke ĝi atingu la for-estantan adresulon). 2 Rezultatigi aŭ konsekvencigi: tia aliĝo certe ~igos aliajn; produktado malpli kara ~igas plian vendadon k produktadon; mi estas malsana, sed tio ne ~igas, ke mi ne povas manĝi (Kp KUNTRENI). Inter~o, sin~o. 1 Aro da aĵoj regule metitaj unu post la alia: laŭ la ŝtuparo staris sin~o da soldatoj. 2 Aro da okazaĵoj estiĝintaj unu post la alia: sin~o da aventuroj B; tabelo de inter~ado D (de reĝoj). Inter~a, sin~a. Prezentanta sin~on.

**sekvestracii Z** = Sekestri.